

INUIT ATAQATIGIIT

Inatsisartuni



14. august 2018

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apeqquteqaateqarpunga.

Naalakkersuisunut apeqqut:

- 1. Ado Lyngep Atuarfia (ALA) Aasianniittoq nutaamik taarserniarneqarpa? Aappiuppat tamanna qaqugu pissava?**
- 2. Ado Lyngep Atuarfia nutaaq qanoq naleqassava?**
- 3. Piffisami kingullermi ALA nutarterneqarlunilu aserfallatsaaliorneqarsimavoq; nutarterineq aserfallatsaaliunerlu iluatsittumik ingerlasimava?**
- 4. Ikuallattoornermi qimaaffissaasinnaasunik atuarfik majuartarfeqarpa?**
- 5. ALA-mi Ambulancit akiuutinik eqqussisoqarsinnaava? Akiuutit najugaqartut ineqarfiannut tamanut apuunneqarsinnaappat?**
- 6. Atuarfinni Ado Lyngep-tut ittuni ulloq unnuarlu angerlarsimaffiutigisuni assersuutigalugu atisartaarnissamut isaruartaarnissamulluunniit aningaasartuutaasinnaasunut akisussaaffik sumiippa? Taakkunungalu tapiissuteqartoqarsinnaaneranik Naalakkersuisut suliniuteqarusuppat?**
- 7. ALA-mi atuartut naammassigaangata inuiaqatigiit akornanni kaasimaaginnartunngunnginnissaat, inuiaqatigiinnili atorluarneqarnissaat anguniarlugu Naalakkersuisut qanoq iliuuseqarniarpat?**
- 8. ALA illoqarfiup iluani, immikkut ittumik atuartitsisarnerup iluani, ALA qitiusutut ingerlatsiviulersinnaasutut Naalakkersuisut pilersaaruteqarpat?**
- 9. Pisariaqartitsineq naapertorlugu sulisut ilinniarsimassutsimikkullu naleqquttumik ilinniarsimasut naammattut ALA-mi pigineqarpat? Akisussaaffiup kivinnissaanut nukiit pigineqartut naammappat? Naamiuppat qassit amigaatigineqarpat aamma qanoq ilinniagaqarsimasut amigaatigineqarpat?**

(Inatsisartuni ilaasortaq Peter Olsen, Inuit Ataqatigiit)

Tunngavilersuut:

Naalakkersuisooqatigiit isumaqatigiissutaanni immikkoortoq nr. 60-mi imatut allassimasoqarpoq:

”Aasianni Ado Lyngep Atuarfia nutaamik taarserneqassaaq” Taamaattumik tamanna pillugu paaserusunnarpoq Naalakkersuisooqatigiit pilersaarutaat qaqugu piviusunngortinniarnearnersoq.

ALA nutaangilivoq illutaalu ullutsinnut naleqqukkunnaavissimavoq piffissanngorporlu nutaamik taarserneqartariaqalenera. Qimaaffissiaqanngilaq aallat unnia akiuutilluunniit atuartut najugaqarfiannut eqqunneqarsinnaanngillat. Unnia aamma qimaaffissiaqanngilaq. Sillimaniarneq isumannaallissaanissarlu eqqarsaatigalugu pissutsit taamaassimappata, ulorianarpoq ajorluinnarpoq, tamannalu akuersaerneqarsinnaangilaq.

Taassuma saniatigut paaserusuppara Naalakkersuisut qanoq iliuuseqarnersut imaluunniit iliuusissamik pilersaaruteqartoqarnersooq atuartoq ALA-mi atuareeraangat illoqarfigisiminnullu – nunaqarfigisiminnut angerlaraangat sunik qanorlu sammisassaqartinneqartarnera pillugu; sammisasaqartinneqartarpa? Sulisinneqartarpa?

Atuarpit angerlaraangami imminiiginnarneqartarnera pitsaasuunngilaq; inuiaqatigiinnut appakaakkiartuartinneqarnissaat pillugu pilersaaruteqartoqartariaqarpoq. Pingaarpoq atuartuusimasup inuiaqatigiinni atorfissaqartinneqartutut misigisimissaa imminiiginnarneqannginnissaaalu.

Qinnutigissavara apeqquteqaatima ullut suliffiusut qulit iluanni akineqarumaartut.